

Tema 6 : Semangat Cinta Akan Negara

Unit 16 : Perkasakan Bahasa Kita / Buku Teks m/s 91

Jawab soalan berikut.**Karnival Bahasa Melayu**

Pada 27 Julai 2016, Unit Kurikulum Pejabat Pendidikan Daerah Baling telah mengadakan Karnival Bahasa Melayu. Program itu diadakan di Pusat Rekreasi Air Panas Ulu Legong, Baling, Kedah.

Peserta karnival itu terdiri daripada murid sekolah kebangsaan dan sekolah jenis kebangsaan daerah Baling. Penganjuran program itu bertujuan untuk menggalakkan anggota persatuan menggunakan bahasa Melayu secara berkesan.

Pada hari itu, Amar, Damrong, Izuni, Jian Hui, Sameela dan Min Li telah menyertai pertandingan berbalas pantun. Pertandingan itu diadakan bermula pada pukul 11.00 pagi. Mereka melafazkan pantun dengan penuh penghayatan. Penonton terpujuk akan keindahan bahasa Melayu.

Pada pukul 3.00 petang, pertandingan pidato telah diadakan. Antara pesertanya termasuklah Imran, Asha dan Pei Shan. Mereka menyampaikan pidato yang bertemakan "Bahasa Melayu Bahasa Antarabangsa". Pei Shan petah berpidato dengan hujah yang bernas.

Menjelang malam, semua peserta berkumpul di dewan. Amar dan Siew Mei telah mendendangkan nyanyian lagu patriotik dan lagu asli pada malam itu. Kemerduan suara mereka telah memikat hati juri. Oleh itu, mereka diumumkan sebagai pemenang.

Kesimpulannya, Karnival Bahasa Melayu ini memberikan manfaat kepada Amar dan kawan-kawannya. Mereka berasa bangga menyertai karnival tersebut.



Peserta sedang berbalas pantun.



Peserta menyampaikan syarahan dengan gaya dan intonasi yang betul.



Pertandingan nyanyian lagu patriotik melahirkan rasa cinta akan negara.

Tema 6 : Semangat Cinta Akan Negara

Unit 16 : Perkasakan Bahasa Kita / Buku Teks m/s 91

Jawab soalan berikut.

Karnival Bahasa Melayu

1. Siapakah yang menganjurkan Karnival Bahasa Melayu ?

2. Apakah tujuan Karnival Bahasa Melayu diadakan ?

3. Apakah acara yang dipertandingan sempena karnival tersebut ?

4. Nyatakan faedah yang diperolehi sempena Karnival Bahasa Melayu ini.

- a) _____
- b) _____
- c) _____
- d) _____